

LEKEITIO. Estalki barria ipini eta goitik behera konpondu dabe



LORE BENGOTXEA

Igerilekuko hegalkak (edo hondartza deitzen dana) zabaldu egin dabe.

Igerilekua martxan jarriko dabe bihartik aurrera

1999an zarratu egin behar izan eben, estalkia apurtu zalako

Lore Bengoetxea |

Lekeitioko igerilekua barriro zabalik egongo da bihartik aurrera. Egurrezko estalkia ipini dabe, eta barruan hainbat aldaketa egin ditue. Aurrekontua 1.500.000 eurokoa izan da.

Hiru urte beteko dira Gabonetan haize gogorrek eraginda Lekeitioko kiroldegiko estalkia apurtu zanetik. Udalak egurrezko estalkia ipintea ez eze, aldaketa gehiago be egitea erabagi eban. «Hainbat gertaera tarteko, nahi baino beranduago hasi ziran beharrak», onartu dau Zigor Txopitea Batasuneko zinegotziak. Azkenean, 2001eko bagilean ekin eutsien zereginari, eta oraintxe amaitu ditue.

Hemendik aurrera, aparteko sarrerea eukiko dau. Beraz, orain arte ez modura, ez da tabernatik sartuko, nahiz eta beragaz loturea euki.

«Desbardintasunik handiena igerilekuan bertan dago. Izan be, hegalkak edo hondartza deitzen dana zabaldu egin da», adierazo dau Txopiteak. Beste alde batetik, arazoak dituen pertsonak sarrera berezia eukiko dabe, eta ezinduek, aulki hidraulikoa. Igerilekuaren kanpoko aldean, udan eguzkia hartzeko aukerea egongo da, baina, hondarrezkoa barik, egurrezkoa da. Gainera, igerileku txikia be badago, umeek uger eginen ikasi daien.

Eguzki plakak

«Beste barrikuntza bat be badago. Eguzki plakak sartu ditugu, ura berotzeko, eta horrek gastuak gitzitzea ekarriko dau», adierazo dau Udaleko ordezkariak. Energiaren Euskal Erakun-

deak (EEE) diru laguntzea emon dau horretarako. «Horrezaz ganera, Eusko Jaurlaritzak ibil erraztasuneko planera egokitze laguntzea emon deusku, baina hortik gora ez dogu dirurik jaso», nabarmendu dau Txopiteak.

BARRIKUNTZAK

Beste gauza batzuen artean, igerilekuko hegalkak (edo hondartzak) zabaldu ditue

Asteburu honetan igerilekura joaten diranek doan erabili ahal izango dabe. Domeka eguerdian, 12:00etan, egingo dabe inaugurazino

ekitaldia.

Urteko tasea finkatzeko 1999an ordaintzen zana hartu dabe oinarritzat, eta urtero-urtero egon dan Kontsumo Indizearen Prezioaren igoerea gehitu.

Euskadiko Kutxan emon behar da). Adin txiki-koek familia liburuaren kopia be behar dabe.

ONDARROA

Herri eskolak Euskal Eskola Publikoko jaiko materiala saltzen jarri dau

Ondarroako Herri Eskolak datorren urtean Euskal Eskola Publikoak egingo dauen jaiko materiala jarri dau saltzen, baita eskualdeko herri txikietako eskoletakoa be. Erakusketa Aretoan egongo dira, hilearen 23ra arte.

ANA ELORDI ETA FEDE BADIOLA

'IKUTUZ IKUTU' ANTZEZLANEKO AKTOREAK

«Gauza serioak barregarri aurkeztu ahal dira»

L.B. |

Abenduaren 1a Hiesaren Kontrako Eguna izan zala eta, gai hori jorratzen dauen antzerki emonaldiak prestatu ditu Lea Artibaiko Droga Galetako Prebentzino Zerbitzuak. Fede Badiola eta Ana Elordi aktoreek aurkeztu dabe *Ikutuz ikutu* antzezlan Lekeition eta Ondarroan, eta gaur, Markina-Xemeinen eskainiko dabe, 19:30ean, Amakumunazgoaren egoitzan.

■ Zelan hasi zinien antzezlan hau egiten?

Pikor Gasteizko antzerki taldearena da. Eskoletarako proiektua izan zan, eta Vital Kutxa eta Hiesaren Kontrako Arabako programearen barruan sartu eben. Igaz Ondarroa eta Lekeitioko gazteei erakutsi geuntsen.

■ Eta orain nagusiei eskaintzen diharduzue...

Amankomunazgoko Droga Galetako Prebentzino Zerbitzuak nagusientzako be ekitaldiak eskaintzea pentsau dau, eta orain arte Lekeition eta Ondarroan izan gara. Gaur, Markina-Xemeinen eskainiko dogu antzezlan.

■ Aurretik gazteei zuzendu eutsezuen, eta, orain, nagusiei. Publiko guztientzat al da, ba?

Nahiz eta pedagogiko be izan, forma arina daukanez eta gaur egungo gaia danez, danontzat balio dau.

■ Zelako harrerea eukiko dozue orain arte?

Harrera ona euki dogu egon garen leku guztietan, eta oraindino emonaldi batzuk egin behar ditugu beste herri batzuetan. Ikusten danez, formato txikiak ondo funtzionetan dau. Hurbiltasunezko beharra dala esan ahal da.

■ Zer ikusiko dabe markinarrek gaur?

Hiesari aurre hartzeko egin behar diran gauzak era komikoan. Azkenean zera esaten dogu: *Hau dibertigarria da, baina ez da broma*. Izan be, gauza serioak barregarri aurkeztu ahal dira.

PUBLIKO GUZTIENTZAT

«Forma arina daukanez eta gaur egungo gaia danez, danontzat balio dau»



EGUNKARIA

'Ikutuz ikutu' 19:30eanemongo dabe Markinako Patrokuan.

LABURAEAN

MARKINA-XEMEIN

EHNA eskuratzeko azkenengo egunak dirala gogoratu dabe

Markina-Xemeingo udaletxean EHNA eskuratzeko paperak egiteko aukerea egongo da datorren zapatuan eta hurrengoan, hau da, hilearen 21ean eta 28an, 11:00etatik 14:00etara. Karneta atera nahi dauenak zera eroan behariko dau: karnetaren neurriko hiru argazki, errolda agiria eta tramitazinoko gastuak ordainduta dituala jasoten dauen agiriaren kopia (dirua

AGENDEA

MARKINA-XEMEIN

Dendea: Mundu Zabal gobernuz kanpoko erakundeak dendea jarri dau, hilearen amaiera arte, herrien garapenerako proiektuetan laguntzeko.

Federetako deia: Alpino mendigoizale taldeak federetako deia egin deutse mendian ibiltzen diranei. Eskaerak taldearen lokalean egin leitezke (Abesua 10; frontoia eta Osasun Etxearen atzeko aldean), martitzen eta eguenetan, 20:00etatik 21:00etara.

ONDARROA

Zatoztek loteria banatuko dau:

Hilearen 21era bitartean, Ondarroako Zatozte denden alkarteak Gabonetako loteria banatuko dau, bezeroen fidelotasuna eskertu nahian.

Antzokian: Urbeltzen Dantza Ganbara izango da, 20:00etan. Sarrerea doan da.

Olentzarori Euskerazko I. Gutun Sariketea: Herri ikastetxeak antolatuta dau, herriko hiru ikastetxeetako ikasleentzat. Bakotzak bere eskolan emon beharko ditu beharrok. Epea bihar amaituko da.